



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Edicti visitationis Formula I.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

TITULUS V.

De Edictis.

Edicti Visitationis.

F O R M U L A I

N. Dei, & Apostolicæ Sedis gratia Episcopus N.

Salubre visitationis munus ad Sacrorum Canonum, & Concilii Tridentini præscriptum, Deo adjuvante, aggredi, atque perficere cupientes, omnibus, & singulis nostræ jurisdictionis fidelibus, cæterisque, quorum interest notum facimus, Nos nostra ordinaria, ac etiam delegata auctoritate visitaturos omnes, & singulas Ecclesias hujus Civitatis, & Diocesis, Cappellas, Oratoria, Altaria, Hospitalia, Collegia, Confraternitates, aliavè loca pia, Monasteria Monialium, & Regularium virorum, quæ vigore Decretorum Apostolicorum Nobis subjiciuntur, Capitulum Cathedralis, & Collegiatarum, & earum personas, necnon omnes Clericos, Confessarios, Priores, Syndicos, & Ministros Montium pietatis, Hospitalium, Confraternitatum, & cæterorum locorum piorum, ac universam Diocesium.

Noverint igitur omnes supradicti, qualiter Nos die . . . mensis . . . anni . . . munus visitationis in Cathedrali Ecclesia incepturi sumus eo animo, eoque consilio, ut quantum in Nobis est Divina benignitate adjuti omni studio ad ea incumbamus, quæ ad animarum salutem, ad Cultus Divini incrementum, ad Ecclesiarum statum, morum reformationem, & Cleri disciplinam, spectare judicaverimus. Quare monemus omnes, & singulos, & quos dictarum Ecclesiarum, Monasteriorum, & piorum locorum cura, vel gubernium, vel administratio, vel Missarum, ac Divinorum Officiorum celebratio, aliorumvè munerum functio pertinet, ut quo die loca prædicta visitabimus, proferant, ac ostendant Nobis administrationis suæ libros, ad implementum Missarum, & aliorum obligationum; Necnon indicent onera locis imposita, statuta, constitutiones, bonorum mobilium, & immobilium Inventarium eorumdem. Capitulum verò Cathedralis, Dignitates, Canonici, Beneficiati, Parochi, Confessarii, Curati, Cappellani, cæterique Presbyteri, & Clerici Beneficia obtinentes, & non obtinentes totius nostræ Diocesis, visitationi in suis respectivè Ecclesiis faciendæ suo tempore intersint, & assistant, ac sui quisque Beneficii, Dignitatis, Præbendæ, & Ordinis, quod in ea Ecclesia obtinet, & Officii, quod exercet, titulum, redditus, onera, & sui muneris implementum ostendat sub pena . . . locis, & usibus piis applicanda.

Siquis autem aliqua afferre voluerit, quæ Dei laudem, Ecclesiarum commodum, & utilitatem, & animarum salutem respiciant, eum hortamur in Domino, ut omnia Nobis sermone, vel scripto patefaciat. Et ut nemo de præmissis igno-

ran-

rantiam allegare valeat, hoc nostrum Edictum ad loca solitam promulgari iussimus. Datum &c.

N. Episcopus N.

Loco ✠ Sigilli.

Alterius Edicti vernacula
lingua.

FORMULA II.

SUMMARIUM.

- 1 *Visitatio inter Curas Pastorales præcipua.*
Visitatio secundum aliquorum DD. sententiam est de iure Divino, ibid.
- 2 *Episcopus visitat Ecclesias Curatas etiam exemptas.*
Decreta Episcopi, facta in visitatione Ecclesiarum exemptarum, prævalent Decretis superiorum exemptorum, ibid.
- 3 *Ecclesie erectæ in solo Lateranensi visitantur ab Episcopis.*
Referuntur dubia super hoc proposita, & resoluta, ibid.
- 4 *Privilegium exemptionis Ecclesiarum in sola Lateranensi edificatarum, quas Ecclesias comprehendat.*
- 5 *Episcopus visitat Oratoria publica Regularium, quæ sunt extra Claustra, non tamen ea, quæ pertinent ad Religionem Hierosolymitanam.*
- 6 *Oratoria, quæ sunt in Cortili Palatii Laicorum, quando dicantur publica, & num. 7.*
- 7 *Confraternitates Laicorum erectæ, & institutæ in Ecclesiis Regularium subsunt jurisdictioni, & visitationi Ordinarii, in his, quæ ad obligationem Confratrum habent relationem.*
- 8 *Etiamsi Oratorium esset fundatum in solo Religionis Hierosolymitanæ.*
- 9 *Episcopus visitat Collegia quæcumque quamvis mere laicalia, si habeant annexam Ecclesiam, vel aliquod præm opus exerceatur.*

N. Cancellarius Episcopalis.

- 11 *Episcopus visitat Monasteria Monialium, etiam exempta, quoad concernentia Clausuram, non costante, quod antea non fuerint visitata.*
- 12 *Idem procedit quoad Hospitalia, & Montes Pietatis, & plura inquiri, num. 15. 16. & 17.*
- 13 *Privilegium exemptionis à visitatione Ordinarii non suffragatur contra legem fundationis, nisi expressè derogetur.*
- 14 *Papa præsumitur regulare suum arbitrium juxta leges.*
Papa irrationabiliter agendo timet reprehendi, ibid.
Papa præsumitur se conformare velle cum dispositione juris, ibid.
- 15 *Bona decedentium in Hospitalibus deferuntur hæreditibus.*
- 16 *Montes Pietatis, si propriis redditibus possunt succumbere expensis Ministrorum, nihil debent pro pignoribus exigere.*
- 17 *Episcopus visitat Montes Frumentarios ad recognoscendam labem usurariam.*
- 18 *Episcopus visitat Sæculares Ecclesias Nullius, & Ecclesias Parochiales Regulares, exceptis locis à Concil. Trid. præservatis, & nu. 19.*
- 19 *Episcopus in visitatione debet Sacramentum confirmationis ministrare, sed non potest pro eo procuracionem recipere, non obstante consuetudine, & respondetur objectionibus, & nu. 21. 22. & 23.*
- 20 *Episcopus visitando non potest recipere aliud, quam victualia moderata.*
- 21 *Episcopus visitando non potest præterdere utensilia, vecturas equorum, aut alias expensas.*
- 22 *Episcopus potest incipere visitationem ab Ecclesia sibi bene visa.*
- 23 *Epi-*